



Broj: 02/06-04-33125-6/23
Datum: 09.02.2024. godine

Na osnovu člana 70. st. (1) Zakona o javnim nabavkama („Sl. Glasnik BiH“ broj: 39/14 i 59/22), sekretar Ureda, donosi:

ODLUKU o izboru najpovoljnijeg ponuđača

Član 1.

Prihvata se preporuka Komisije iz Zapisnika o ocjeni ponuda broj: 02/06-04-33125-5/23 od 09.02.2024. godine u skladu sa kojom će okvirni sporazum za nabavku usluga održavanja kopir aparata, skenera, printera i fax aparata i nabavku rezervnih dijelova, zaključiti sa ponuđačem „ALF-OM“ d.o.o. Banja Luka, ponuda br. 0034/VS od 07.02.2024. godine za ponuđenu cijenu sa popustom bez PDV-a u iznosu od 1,70 KM i rokom plaćanja od 60 dana, s tim da će se okvirni sporazum zaključiti do visine procijenjene vrijednosti nabavke u iznosu od 323.364,00 KM bez PDV-a.

Član 2.

Okvirni sporazum dostaviće se na potpis izabranom ponuđaču po proteku roka od 15 dana, računajući od dana od kada svi ponuđači budu obaviješteni o izboru najpovoljnijeg ponuđača. Okvirni sporazum se zaključuje na period od 24 mjeseca.

Član 3.

Ova odluka stupa na snagu danom donošenja.

Obrazloženje

Postupak javne nabavke pokrenut je Odlukom broj: 02/06-04-33125/23 od 22.12.2023. godine. Procijenjena vrijednost javne nabavke bez PDV-a iznosila je 323.364,00 KM.

Javna nabavka je provedena putem otvorenog postupka.

Obavještenje o nabavci broj: 1116-1-2-58-3-69/23 objavljeno je na Portalu javnih nabavki dana 26.12.2023. godine.

Komisija za javnu nabavku imenovana Rješenjem broj: 02/06-30-015631/23 od 11.05.2023. godine, dana 09.02.2024. godine dostavila je rukovodiocu Ureda za zajedničke poslove Zapisnik o ocjeni ponuda broj: 02/06-04-33125-5/23 od 09.02.2024. godine, koji je ujedno preporuka za izbor najpovoljnijeg ponuđača kao i izvještaj o radu Komisije u predmetnom postupku javne nabavke.

Iz Zapisnika o ocjeni ponuda je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno da su blagovremeno pristigle dvije ponude ponuđača i to:

1. „Neutrino“ d.o.o. Tuzla
2. „ALF-OM“ d.o.o. Banja Luka

Nakon otvaranja ponuda dana 09.02.2024. godine, Komisija je pristupila vrednovanju istih.

Komisija je ustanovila:

- da je Ponuda ponuđača „Neutrino“ d.o.o. Tuzla broj: 5/2024 od 15.01.2024. godine ocijenjena nepravilnom, jer ne ispunjava uslove propisane tenderskom dokumentacijom. Ponuđač je dostavio u svojoj original ponudi original Garancije za ozbiljnost ponude broj: 1003379937 od 22.01.2024. godine izdatu od strane Nova banka AD. Banja Luka koja je upakovana u plastičnu foliju, a koja nije nikako zatvorena sa gornje strane folije, niti postoji bilo kakav način osiguranja iste, niti je otvor na foliji zatvoren jamstvenikom na kojem nema nikakve naljepnice niti je otisnut pečat ponuđača, čime je postupljeno suprotno članu 27.5 tenderske dokumentacije i članu 3. stav (1) Pravilnika o formi garancije za ozbiljnost ponude i izvršenje ugovora („Sl. glasnik BiH“ 90/14), te se navedena ponuda odbacuje u skladu sa članom 68. stav (4) tačka i) ZJN jer ponuda nije potpuna i ne ispunjava zahtjeve iz tenderske dokumentacije.
- da je „ALF-OM“ doo Banja Luka ispunio sve uslove predviđene tenderskom dokumentacijom, po ponudenoj cijeni i rokom plaćanja kako slijedi:

Redni broj	Naziv ponuđača	Cijena norme sata sa popustom bez PDV-a (KM)	Rok plaćanja
1	„ALF-OM“ doo Banja Luka	1,70	60 dana

Komisija je dala preporuku ugovornom organu da okvirni sporazum zaključi sa ponuđačem „ALF-OM“ doo Banja Luka, u iznosu procijenjene vrijednosti nabavke od 323.364,00 KM bez PDV-a, po cijeni norme sata u iznosu od 1,70 KM bez PDV-a i rokom plaćanja od 60 dana, a nabavka rezervnih dijelova će se vršiti na način da pružalac usluge dostavi ugovornom organu predračun cijene dijelova iz važećeg cjenovnika na dan zamjene dijela, a ugovorni organ zadržava pravo da tu cijenu provjeri na tržištu, te ukoliko je ista jeftinija na tržištu, ugovorni organ može dio nabaviti samostalno, a pružalac usluge je dužan taj dio ugraditi po cijenama normi sata iz ponude.

Ugovorni organ nije našao razloge, nepravilnosti niti propuste u radu koji bi eventualno bili osnov za neprihvatanje preporuke Komisije za javne nabavke. Naime, u postupku je ocijenjeno da je Komisija u svemu pravilno postupila, da je izbor ponuđača „ALF-OM“ d.o.o. Banja Luka izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom, a da je ponuda ponuđača „Neutrino“ d.o.o. Tuzla odbačena u skladu sa članom 68. stav (4) tačka i) ZJN jer nije potpuna i ne ispunjava zahtjeve iz tenderske dokumentacije.

Shodno navedenom, primjenom člana 64. stav (1), tačka a) Zakona o javnim nabavkama, odlučeno je kao u članu 1. dispozitiva ove Odluke.

POUKA O PRAVNOM LIJEKU:

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke. Žalba se podnosi u pisanoj formi direktno ili preporučenom poštanskom pošiljkom i to u najmanje tri primjerka ili elektronskim putem.

Sekretar Ureda

M.P.

Zdenka Marijanović, dipl. pravnik

Dostaviti:

- „Neutrino“ doo Tuzla;
- „ALF-OM“ d.o.o. Banja Luka i
- a/a